



Núria Escobar Serra, secretària non conselheira dera societat mercantila ARAN SALUT SERVICIS ASSISTENCIAUS INTEGRATS SL, en relacion ath procediment que se tramite entara licitacion des “SERVICIS DE PSICOLOGIA ENTATH CENTRE DE REVISIONS E DE VALORACION E ATENCION ARA DEPENDÈNCIA E ARA DISCAPACITAT D’ARAN SALUT”

CERTIFIQUI:

Qu’eth Conselh d’Administracion dera societat, en session extraordinària de 21 de noveme de 2016, adoptèc er acòrd següent e que transcrit literaument ditz:

“2au.- APROBACION, SE PROCEDÍS, DERA ADJUDICACION DES SERVICIS DE PSICOLOGIA ENTATH CENTRE DE REVISIONS E DE VALORACION E ATENCION ARA DEPENDÈNCIA E ARA DISCAPACITAT D’ARAN SALUT.-

Vist er acòrd dera Mesa de Contractacion des *Servicis de psicologia entath centre de revisions e de valoracion e atencion ara dependència e ara discapacitat d’Aran Salut*” amassada en data 3 d’octobre de 2016, d’avaloracion des proposicions presentades ad aguesta licitacion, damb formulacion dera prepausa de resolucion e notificacion des corresponents acòrds resultants.

Vist qu’eth conselh d’administracion dera societat, en session extraordinària de 21 de noveme de 2016, resludada era pèça desseparada produsida en expedient, coma organ de contractacion, per avocacion dera competència e dada era abstencion presentada per part deth gerent dera societat en aguesta licitacion, e dat que, coma resultat dera valoracion des diferents criteris tecnicos e economicos efectuada per part dera Mesa de contractacion deth concurs public dubèrt des “*Servicis de psicologia entath centre de revisions e de valoracion e atencion ara dependència e ara discapacitat d’Aran Salut*”, aguesta prepausèc era puntuacions que se detalhen ara seguida, ordenades de maxim a minim

LICITADOR	Max. 50 p Propòsta economica	Max. 25 p Formacion	Max. 15 p Melhores	Max. 10 p Aranés	Max. 100 p TOTAU
MARTA GRAU BARON	42,5 punts	0 punts	15 punts	5 punts	62,50 punts
ASUNCIÓN CARRIÓN MARÍN	50 punts	5 punts	0 punts	3 punts	58,00 punts
SANDRA CASTET	50 punts	0 punts	2 punts	5 punts	57,00 punts
MCARMEN ALONSO BELMONTE	22,88 punts	10 punts	15 punts	0 punts	47,88 punts
MIRIAM ARJÓ BARÉS	23 punts	0 punts	13 punts	8 punts	44,00 punts

Vist qu’un còp avalorada era aufèrta presentada pes cinc licitadores admetudes cossent damb çò que establis era clausula 10au des plecs de clausules administratives, s’obtien es següents resultats:

Vist que se considère coma ofèrtes economicament mès avantatjoses es següentes:

- Sra. Marta Grau Baron, damb ua puntuacion totau de 62,5 punts
- Sra. Asunción Carrion Marin, damb ua puntuacion de 58 punts
- Sra. Sandra Castet damb ua puntuacion de 57 punts

Vist que resultèren rebutjades es auferetes presentades pes licitadores qu'ara seguida se relacionen, pr'amor que non an obtingut era puntuacion minima de cinquanta (50) punts exigida ena clausula 10au deth Plec de clausules administratives:

- M Carmen Alonso Belmonte
- Miriam Arjó Barés

Dat que, notificat er acòrd anterior, cònte era constitucion de garantida definitiva mejançant transferència bancària, e presentada era rèsta de documentacion exigida en amàs de clausules administratives particulars.

Per tot açò expausat, e visti es articles 151, 154 e concordants deth Reiau Decret Legislatiu 3/2011, de 14 de noveme, peth quau s'apròve eth Tèxte Rehonut dera Lei de Contractes deth Sector Public (TRLCSP), e 13.1.d) e Disposicion Addicionau Ueitau dera Lei 19/2014, deth 29 de deseme, de Transparència, Accés ara Informacion Publica e Bon Govern, se prepausa ath Conselh d'Administracion adjudicar eth contracte de servicis abans nomenat ara Sra MARTA GRAU BARON, en tot tier en compde qu'era adopcion d'aguest acòrd ei competència deth Conselh d'Administracion dera societat, per avocacion dera competència acordada e dada era abstencion presentada per part deth gerent dera societat

Un viatge sotmetuda era prepausa a votacion e debat, s'obtien **quate (4) vòts a favor** deth sindic e des conselhèrs Mgfca. Sra. Anna Diaz Morello, Mgfca. Sr. José Antonio Boya Quintana e dera Sra. Ma. Àngels Borràs Hurtado (presents) pera quau causa s'acòrde per majoria absoluta des quate (4) membres presents deth totau de cinc que formen eth Conselh d'administracion:

Prumèr.- Declarar vàlid eth procés de licitacion dera contratacion des servicis *Servicis de psicologia entath centre de revisions e de valoracion e atencion ara dependència e ara discapacitat d'aran salut* , mejançant procediment dubèrt, damb tramitacion ordinària, cossent damb çò previst enes articles 10, 115 e 157 deth Reiau Decret Legislatiu 3/2011, de 14 de noveme, peth quau s'apròve eth Tèxte Rehonut dera Lei de Contractes deth Sector Public.

Dusau.- Adjudicar eth contracte de servicis abans nomenat ara Sra. Marta Grau Baron, damb NIF 45720629 X, per un impòrt totau d'onze mil set cents cinquanta-e-un èuros damb vint-e-cinc centims anuaus (11.751,25 €/an), quantitat qu'ei exempta d'IVA.

Aguesta adjudicacion se hè a cargue des hòns pròpris d'Aransalut, mejançant eth sòn pressupòst de despenes corrents e pes tarifes aplicades as usuaris deth servici, se procedís, damb ua durada totau de dus (2) ans e damb era possibilitat de dus (2) ans mès de prorròga.

Tresau.- Notificar aguesti acòrds ara Sra. Marta Grau Baron, adjudicatària d'aguest contracte, era presenta resolucion e citar-la entara signatura deth contracte, que s'a de laguens des quinze (15) dies següents ara recepcion dera notificacion d'aguest acòrd.

Quatau.- Notificar aguesti acòrds as persones interessades as efèctes oportuns.



Cincau.- Dar publicitat dera adjudicacion e dera formalizacion deth contracte e dera rèsta de donades especificades en article 53 e concordants deth TRLCSP en Perfil deth Contractant, de conformitat damb es art. 151.4 e 154.2 TRLCSP.

Siesau.- Publicar es donades basiques d'aguest contracte en Portau dera Transparéncia dera societat.

Setau.- Comunicar era adjudicacion d'aguest contracte ath Registre Públic de Contractes dera Generalitat de Catalunya e ara Plataforma de Servicis de Contractacion Publica, cossent damb çò qu'establís es art. 30 e 333 TRLCSP e ena Disposicion Addicionau Ueitau dera Lei 19/2014, deth 29 de deseme.

Ueitau.- Facultar ath president dera societat, Mgfc. Sr. Carlos Barrera Sánchez, en nòm e representacion dera societat, entara signatura de toti es documents publics e/o privats que siguen de besonh entà hèr efectives era tramitacion e execucion des acòrds anteriors.”

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònste ar efècte oportun, signi aguest certificat d'orde e damb visteplatz deth Sindic.

Vielha, 21 de noveme de 2016

Vist e platz
Eth President

Carlos Barrera Sánchez

